

閩
中
金
石
志

閩中金石志卷十

嘉興馮登府輯

吳興劉承幹校

宋

何澹等鼓山題名

嘉泰二年

嘉泰壬戌重陽括蒼何澹約浚儀趙公迴金華楊潛
脩登高故事上天風海濤酌酒賦詩咸謂一時之勝
恨未誌諸石也越明年復以是日偕靜海施康年古
汴趙公介來遊陰雲解剝風日和美極海山之壯觀
撫泉石而忘歸

按何澹嘉泰二年二月知福州三年十月除觀文

殿學士四年四月再任故曰越明年壬戌甯宗二年也楊潛慶元間提舉福州常平茶鹽公迥淳熙間任西外宗正事見郝志

昇真元化之洞

開禧元年

宋開禧元年建陽游九言書在武夷本洞

按九言字誠之建陽人受學于張南軒知光化軍謚文靖

吳渙等鼓山題名

開禧元年

開禧改元乙丑孟秋中澣十日閩尉延平吳渙奉父吳元肅同拉晉江石應孫來遊子振侍行石應孫書

正書刻靈源洞右

按吳渙慶元五年進士曾爲閩尉郝志失攷石應
孫淳熙十一年進士

陳景仁等鼓山題名

開禧二年

開禧丙寅暮春陳景仁姪子愚子盈林該弟樸調男
絢紀綽陳擇善李起渭潘昌孺挈家來遊隸書刻靈
源洞

按景仁字春卿長樂人嘉定元年進士官朝請大
夫子愚字若愚嘉定四年進士官營道縣李起渭
字少望閩縣人慶元五年進士

陳宓等鼓山題名 開禧二年

莆陽陳宓師復建安謝汲古深道黃應酉統之真德
秀景元清源留元剛茂潛以開禧五月三日同遊鼓
山靈源洞誦浚儀相國之詩觀晦菴先生遺墨慨然
感興一醺而歸正書刻靈源洞

按陳宓俊卿子時知安溪縣事謝汲古黃應酉俱
嘉泰二年進士真德秀浦城人時知福州留元剛
晉江人官秘閣學士

曾槃武夷山題名 開禧二年

開禧丙寅孟冬六日章貢曾槃樂道之官臨打泛舟

來遊黉侍行訪碑錄正書在崇安

福字 開禧三年

在烏石山觀音巖字大盈丈朱子書今名福字坪

福州府志傍有開禧丁卯正月郡人張元簡十一字

按元簡閩縣人嘉定七年進士官制置副使見郝

志

九曲溪 開禧三年

開禧丁卯浚儀趙師巖書刻水光石在武夷

東臺廟碑 嘉定二年

閩都記東臺廟在侯官鳳凰山之巔閩立廟以神有

捍賊禦灾功嘉定二年漕使李浹帥臣黃度疏請廟額勅賜忠惠郡人都官員外郎林岳爲碑文今立廟前

按岳字仲山古田人紹熙元年特奏名漕使李浹帥臣黃度俱郝志所未攷浹嘉定間曾任建甯府見郝志

困峯石刻

嘉定四年

嘉定庚午夏月六日朝奉郎前秘書省著作郎兼國史院編修官實錄院檢討官兼權右侍郎官陳舜申爲考贈奉議郎焚黃偕子弟孫侄輩修慶禮宴客於困

峯因道旁有天然二石刻而誌之長孫從事郎充南
外睦宗院宗學教授德一謹書在連江迴溪困山

按宗學教授三山志謂紹興元年始德一舜申子
郝志有傳連江人

放生池碑

嘉定五年

在漳浦東嘉定辛未邑令歐賡鑿池放生丞相趙忠
定書放生池三大字刻石後趙師縉闢西湖欲遷其
碑屹然不動遂止

按賡嘉定間知漳浦

蟠桃塢題名

嘉定八年

東嘉蔡荃簡策沈因謝有大郡人林能千嘉定甲戌
十月望前一日來遊正書在道山

鄒應傳等武夷山題名

嘉定八年

泰甯鄒應傳景仁浦城周伯圭玉城弋陽陳棐忱父
嘉定甲戌二月己未同遊刻崇安武夷響聲巖

按應傳疑應博之誤泰甯人寶慶中監行在都進
奉院知婺州見萬姓統譜

吳中等鼓山題名

嘉定八年

盱江吳中克明鄧峯蔣峴伯見來遊鼓山訪靈源憩
湧泉遂登石門覽天風海濤殊快心目嘉定甲戌七

月二十八日隸書在鼓山將軍石

按蔣峴奉化人慶元二年進士官殿中侍御史

留元綱等武夷山題名

嘉定十年

留元綱嘉定丙子二月望日同蔣應衡周光

缺泛舟

溯九曲謁精舍憇天遊厓文公之棹歌訪武夷之舊
事晚歸冲祐過觀化堂同宿渡口厥明再至試劍石
下磨崖紀勝緬懷玉虛三洞一時諸友惜不共此遊
子瀟侍行在崇安試劍石

周燦等鼓山題名

嘉定十年

嘉定丙子郡丞雪川周燦偶攝府事仲春既望偕包

甯東陽李大有永嘉國 下缺 正書刻石門左

按李大有字謙仲慶元二年進士官朝請郎郡丞

周燦郝志失載

蔡真人誥碑 嘉定十二年

真德秀撰在晉江清源山

嘉定十一年十月三日有詔泉山清源洞冲應善利
靈濟真人加昭博之號爲八字真人先是十年夏五
月不雨臣始至官問仙祠靈宮之著驗章灼者咸以
其人對臣亟禱焉未幾遂雨是年冬旱臣往禱焉又
雨越明年春洎秋膏澤至田高下磽腴皆告稔米斗

百錢黃馘槁項之叟謹曰昔未曾有也非真人之靈
實大莛吾土顧安獲此哉於是相帥以其事白於州
州諗於部使者下其書旁郡審覆之如本州言乃以
聞天子嘉焉命有司撫其名之顯且大者以旌真人
之功嗚呼美哉謹按真人蔡氏世傳其系出晉司徒
文穆公謨文穆八世孫夔節度嶺南歸至泉以歿子
孫因家焉真人事唐爲金部員外郎太原守晚棄簪
紱隱於州之北山修辟穀鍊氣之術以方技濟人既
仙去歲久而其靈愈章皇朝崇甯中始封虛應先生
紹興九年封冲應真人二十三年加封善利乾道三

年又加靈濟至是遂加昭博焉臣竊視前世人主崇尚道家神仙之說者太抵以希長年薪福應往往受媒方士爲百代嗤惟我聖朝受天眷命以神作主凡老氏浮屠氏與山川祠廟之靈惟能時雨暘弭菑沴有功於人者迺始錫號多秩祀典否則雖奇怪詭特不與焉蓋志在斯民而不自爲此其所以跨絕前代也又惟眞人之清虛淡泊未嘗震耀威福以警動世俗耳目而民之歸仰自不能忘朝廷褒封之典自不能已亦猶有道君子爲善於幽隱閔寂之地不求人知而卒不可掩豈不尤可貴也哉臣旣以所下制書

刻之梓而又叙其本末使後世知聖朝所以寵命真人而眞人之所以膺受寵命者其大指蓋如此以備清源故事云十二月八日甲子朔具位臣眞某記

劉無競等題名

嘉定十二年

嘉定己卯良月既望前三日劉無競題劉公著書時方儒和方瑞叔陳君玉同遊正書刻瑞巖過來橋

按無競名克遜眞復古有古田劉無競詩云前說建陽宰古田今似之難兄與難弟能政更能詩難兄謂後村郝志職官克遜嘉定中知古田克莊知建陽年失攷

任惟明等鼓山題名

嘉定十七年

希古樓刊

嘉定癸未同年任惟明章卿一鳴登卿張如愚亦發
趙希豐寶卿涌夫滕叔陳應龍景雲趙汝僊聲叔遊
繼榮華甫會公益誠叔卓杰舜咨彭寢牛耕道趙必
偲友卿會遊時甲申秋九月也正書刻喝水巖

按任惟明一鳴張如愚俱閩縣人趙希豐太祖長
子燕王德昭八世孫涌夫魏王廷美七世孫陳應
龍侯官人趙汝僊漢王元佐七世孫遊繼榮曾公
益俱閩縣人卓杰彭寢牛以字行俱懷安人趙必
偲太宗九世孫已上十二人皆嘉定十六年進士

箋經臺題名

嘉定十七年

陳孔碩膚中馮多福季求趙師夏致道嘉定癸未清
明日同遊篆書在箋經臺

按多福紹熙四年進士

胡渠等鼓山題名

嘉定十八年

嘉定甲申春郡守胡渠仲方勸農東郊竣事同至鼓
山與西宗趙師夏至道盟飯於妙峯閣訪靈源洞度
慈鰲橋瞻喝水巖探湧泉寺歷山門登天風海濤之
棚臨觀久之別駕沈柔孫明夫茂宰許之選叔仁陳
宗道原仲鄭審謙仲與俱長老自鏡瀾茗於半山亭

中漏下二刻乃還正書刻石門

按胡桀廬陵人銓之孫以工部尙書知福州趙師
夏燕王德貽七世孫官知南康軍許之選臨川人
開禧元年進士知懷安縣陳宗道晉江人鄭審甯
德縣人

鄭昭先鼓山詩刻

嘉定十八年

嘉定甲申閏八月望日題鼓山靈源洞東鏡公堂頭
老禪日湖鄭昭先詩正書刻石門右

按昭先字景紹閩縣人淳熙十四年進士官叅知
政事謚文靖有日湖遺稿

泉南佛國 嘉定

在晉江石佛巖宋嘉定中僧守淨所刻守淨有道術
安平朝天門樓興化軍安利橋延平可口橋武榮金
鵝橋皆其所建見閩書

王居安等鼓山題名 寶慶三年

王居安趙崇度徐澄寶慶丁亥仲春中泚遊靈源洞
正書刻石門左

按王居安字資道黃巖人時知福州趙崇度汝愚
子時任市舶司提舉徐澄金華人

箋經臺題名 寶慶三年

王開卿趙履節徐清伯約陳膚仲會於卧龍山時寶
慶丁亥季春甲戌日

按題名在侯官箋經臺正書

潘渡橋石刻

寶慶三年

閩都記連江安利橋卽今潘渡宋紹興十四年知縣
阮珪所建乾道三年嘗新於水中得斷石刻安利二
字寶慶三年師王居安改潘渡里人陳漳刻石紀之
莆田陳宓增刻碑陰今廢

按阮珪紹興間知連江

拱極樓碑

閩都記拱極樓在侯官宮巷之南宋丞相鄭性之建
理宗御書拱極樓三字有碑豎樓下今樓圯猶巍然
今在南園鄭氏宗祠之右

葉于之等鼓山題名

紹定二年

紹定己丑季秋括蒼葉于之姜行之同遊正書刻龍
頭泉

汪彥等烏石山題名

紹定四年

四明汪彥領客浚儀趙宗賓四明夏興邦范炳金華
趙希共永嘉朱景彝豫章方伯英莆田顧孺傑全遊
烏石山兒之道侍行皆紹定辛卯仲冬朔日正書刻

蟠桃塢

鄰甯臺胡伯量等題名

紹定四年

訪碑錄正書在侯官

社稷壇記

紹定四年

巖邑風物阜盛惟社稷壇並民廬歲口侵削鞠耳具
臨時紹定四年秋永嘉陳侯昉來宰斯邑喟然口口
口口足埽各四束社四稷口口雷口附焉壇三成埽
四門其方崇之度各有教畢備繚以垣甃以甃植以
松栢合其地縱二十有五丈衡十有五丈吳水揖閔
偉嚴遠大都所無也侯去之六年忽以書屬埽曰始

余之築斯壇口山先生真公登而喜焉曰吾爲子記
之及先生守泉貽昉書日記將成矣今邑令屢請
口口口無以應同門之士莫若子子其爲我述先
生之與社稷者多矣未易措語必得一大議論以發
之所謂大議論者非埜間命懷然曰悲夫先生之
言大矣侯之志勤矣埜愚陋何足以知之雖然原隰
之祇也而口口口配焉稷則專爲原隰之祇能生五
穀者而周辛唐典其制甚備孟子曰民爲口社稷次
之君爲輕又曰犧牲旣成粢稷蓋國以民爲本社稷
則丁口口口口人非土不口非穀不流行於覆載之

間以育丁口而口口口口此也責也然必先盡其
在我之責然後可以望乎土之制國家之典所以
治人而事神者爲何如自則皇皇於妖淫之祠僕僕
於緇黃之宮風俗日下先生之所謂大議人自雖不
可得而聞而侯之已也尙禮教明政刑深得王門學
道愛人之也壇之建治材役人悉償所直不傷於經
省視有制皆書以諭後人俾勿壞閣 建寧軍府兼
管內勸煥

右正書完善者四百二十二字

祖之望寶宋亭記記城西烏石巷卽古官社巷也宋

嘗於此建社稷壇明成化間築城改卜於德星門外
則此碑之巍然獨存者今且面墻而立矣年遠悠謬
世但見爲石也所賽磨厲驚動禍福修城之日役者
以告洗剔搜搗得四百二十二字乃宋紹定四年陳
侯昉等真西山定議築壇壇成後六年爲嘉熙二年
屬知建甯府事王公埜爲記而邑志失載昔米元章
獲晉人書作寶晉齋今祝太守昌泰亦作石亭以寶
此碑名曰寶宋此五百七十餘年物之絕無而僅有
也

蒲城縣志按舊志職官有陳侯昉題名嘉定間任今

以碑考之則係紹定四年此碑作於侯去之六年距先生之歿已二年蓋陳侯追述先生之初許爲記繼以守泉不及爲而屬王埜爲之也先生初於甯宗嘉定十年守泉乃理宗紹定五年有再守泉州謝表及論文可據而年譜無之其稱同門者則以先生曾保陳昉堪任監司又跋王埜平寇錄有云予友王子文是也又年譜紹定六年四月權戶部尙書而是年十一月有先生安撫福建諭俗文亦可見於時事多不合矣

方過鼓山題名 紹定四年

性山方遇時公紹定辛卯重陽日酌泉靈源正書刻石門左

番陽李公題名 紹定五年

紹定壬辰夏六月不雨至於秋七月徧走羣祀未効大帥番陽李公以石鼓銘重鎮其下眾水所滙必出雲爲風雨乃命屬吏南昌徐鹿卿致禱丙申詣寺齋宿丁酉黎明勞勩禮畢而雨是夕大雨已亥雨止槁者獲潤者流刻而識之侈神之庥

按題名在鼓山徐鹿卿字德夫豐城人嘗辟福建安撫司幹辦公事改知尤溪縣丞真德秀守泉辟

宰南安此稱屬吏當爲幹辦時也紹定五年旱不成災史不書

真德秀金鷄橋募緣䟽石碣

紹定

在南安橋傍

按景元以紹定五年進徽猷閣知泉州石碣當刻於此時郝志但載宣和建浮橋嘉定創石墩事景元募修事失攷按輿地紀勝金鷄渡云建炎丁未有跨溪爲橋者見尤袤梁文靖行狀則始造在建炎矣

安利橋碑記

紹定

郝志朱紹定間徐澄撰碑陰有興化陳宓書在連江

趙汝訓等鼓山題名

端平三年

浚儀趙汝訓領客邵武吳信古傳東吳天民黃旂鄧
應炳端平丙申四月上巘同遊次男崇堞侍正書刻
靈源洞

按趙汝訓時知連江黃旂甯化人寶祐元年進士

黃登等鼓山題名

端平三年

無量壽佛

篆書

黃登方遇李田遊明復端平丙申四月

既望來遊摩巖紀勝期與此山俱傳正書刻靈源洞

橋外

按黃登字君陟侯官人嘉定四年進士官南劍倅

游明復閩縣人淳祐十年進士

金龍玉簡 嘉熙元年

閩書武夷大王峯宋理宗嘉熙元年詣投用以祈嗣
遏虜其文云伏以元儲虛位未開熊夢之祥邊閩分
屯尙調虎符之戍內欲隆於國本外思靜於兵氛仰
維祖宗積累之艱深切朝夕繼承之懼是用肆類上
帝徧禱名山願垂覆幬之仁宏賜扶持之力得男而
應震索茂延百世之期偃武而致泰平坐底四方之
治保基圖於鞏固措民物於牧甯祇迓靈休永依大

造簡長尺許書刻並精

周圭等鼓山題名

嘉熙三年

周圭趙希譙林勉翁王叔安叔泰樊淇倪龍輔潘自得陳守謙周從龍王洧彭樵黃子俊林驥史自勉道士謝顯道期而不至王允恭郭愿方涓孫王公煒陳容鄭碩楊士勛潘公泳鄭怡公潘牯李根祖陳澗同登另崗遊靈源分韻賦詩嘉熙三年六月十一日正書在石門

按趙希譙燕王德昭八世孫王允恭任邵武軍通判方涓孫莆田人大壯子與弟澄孫同拔漕解陳

容字公儲福清人端平二年進士官至朝散大夫
鄭碩字盾與閩縣人慶元五年進士任汀州軍事
通判潘牂字廷堅懷安人第進士第三人

周自介等烏山題名

淳祐元年

周自介趙崇潔詹攀麟陳淳祖黃鎮周淳祐改元九
日登道山正書在神光寺後

魏國表等武夷山題名

淳祐元年

淳祐元年季秋月圓後二日清源魏國表會稽呂秉
南偕山東彭永年雨中來刻崇安伏虎巖

王稼等鼓山題名

淳祐元年

清源王稼吳穩郡人陳無競方遇林園游明復董正
李振祖遊鼓山淳祐初元九日正書刻龍頭泉左

按王稼晉江人端平二年進士時知仙遊縣事李
振祖字起翁閩縣人寶祐四年進士

張正子等鼓山題名

淳祐二年

張正子趙崇廕陳灼諸葛寅鄭輔周自介陳淳祖淳
祐壬寅九日同遊鼓山靈源洞正書刻鼓山

按正子閩縣人嘉定七年進士知靖州

張正子等鼓山題名

郡人張正子東川姚希得金華潘晞夔萬安鄭新鄧

峯高指泉山連端憇淳祐三年閏八月癸未遊靈源
隸書刻靈源橋

按希得字逢源潼州人嘉定十七年進士時通判
軍州事連端憇時任汀州軍判

王瞻叔等鼓山題名

淳祐三年

乾道丁亥暮春二十三日余出郊觀稼勞田夫野老
而訪其疾苦遂至鼓山燒香供茶登臨滄亭而返男
銖錚鑑鉛孫淙侍行襄陽王瞻叔書淳祐癸卯曾孫
亞夫來此拂石正書刻靈源洞

按王之望字瞻叔時以端明殿學士知福州

趙成已等烏石山題名

淳祐四年

趙成已克一唯伯穎叔淳祐甲辰日南至之九日同
來正書刻霹靂巖石中題歲月聊紀歲時遊寄語
頭老能無不朽不呈和尚禪師并趙希道唯伯書行
書

謝奕正等鼓山題名

淳祐四年

淳祐甲辰暮春上澣天台謝奕正九華章時發清江
張一鳴長沙王睿同遊鼓山靈源洞正書刻靈源橋
前從左讀

按章時發曾知惠州軍州事

謝安之鼓山題名

淳祐四年

昭武謝安之體仁淳祐甲辰九月六日重遊靈源洞

正書刻洞中

楊選等鼓山題名

淳祐四年

淳祐甲辰重陽日郡別駕臨邛楊選約長樂黃師慤
鄉僧德靜來遊鼓山之靈源洞男猷童孫嘉老侍行
住山得融汲泉酌茗於此正書刻靈源菴前

按別駕楊選郝志失攷

趙與鏊等鼓山題名

淳祐四年

會稽趙與鏊齊賢偕弟與錯德載淳祐甲辰臘月二

十四日重遊鼓山靈源洞正書刻靈源洞橋前

按與鏞與鏔皆燕王德昭九世孫

重修武夷山精舍記

淳祐四年

訪碑錄王遂撰王鑑正書在福安

按遂淳祐中以寶章閣學士知建甯

李鏞鼓山題名

淳祐五年

眉山李鏞因祖考文簡公諱日挈二子洪樞過鼓山
飯僧遊靈源洞徜徉一日而歸時淳祐五年二月庚
午日題正書刻靈源菴前

按李熹眉州人官敷文閣學士謚文簡

趙彥淵等鼓山題名 淳祐五年

稽陰趙彥淵濟川莆田蘇薦與遜夫延平謝華維岳
淳祐乙巳後重陽一日遊於此正書刻靈源菴前

按趙彥淵魏王廷美第五子勛國公六世孫

王子壽等鼓山題名 淳祐五年

建安王子壽莆僧汴氏子安行之永人 缺 廖孫伯安

缺 以淳祐乙巳重九後一日同宏中守中口中中

遊正書原刻喝水巖上後墜澗底

應屋等鼓山題名 淳祐六年

天台應屋茂博建安劉煥文子蒲陽林彬之元質以

淳祐丙午寒食來遊正書刻龍頭泉右

按劉煥時任寧化縣事林彬之端平二年進士官

福建常平司幹官

嚴陵等鼓山題名 淳祐六年

嚴陵喻齋携子慶孫遇通守真候館以淳祐丙午清明前三日偕道山徐泰叔來遊因徧覽奇勝恭讀西山先生文忠公詩倚暮而歸正書刻喝水巖

重金山題名 淳祐七年

重金題名石在福甯城內學宮後重金山上有馬鞍石鐫云淳祐丁未臘月十九日北山鄭家偕邑令鄭

黼全登

圖書按宋制惟兩府得賜金帶佩魚淳祐五年乙巳
案同簽樞密賜重金故名山以榮

按案福安人黼淳祐間知福安郝志有傳

蘓溥等鼓山題名

淳祐七年

龍江蘓溥景淵天水趙希性成已九華葉信厚季有
委羽趙必奕叔弼古栢蔡登元龍以淳祐丁未季春
望前一日公餘同遊正書刻靈源洞左

按趙希性燕王德昭八世孫趙必奕太宗第一子
漢王元佐九世孫

劉霽等鼓山詩刻

淳祐七年

歲在淳祐丁未之秋建州劉霽侍兄口口山二表同
詣丈登石鼓酌湧泉追憶舊遊恍如一日再獲拜觀
文公先生外太祖書趙公天風海濤之句感慨久之
敬識小詩拂塵併簡住山信和尚正書刻龍頭泉右
按劉霽學古之孫朱子外曾孫也

趙師耕鼓山題名

淳祐七年

趙師耕畔

缺

淳祐丁未冬十有七日來遊正書刻石

門

按趙師耕燕王德昭七世孫任西外宗正司又提

舉常平茶鹽公事

趙希袞等鼓山題名

淳祐七年

淳祐丁未孟冬朔止泓趙希袞偕客王復陳士挺來
遊子與諫與譚侍住山宗信僧顯輝智燈正書刻靈
源洞左

按希袞燕王德昭八世孫時知南外宗正司事王
復福甯人嘉熙二年進士

鄭思問等鼓山題名

淳祐七年

淳祐丁未良月二十有六日古栢鄭思問與同幕番
陽徐憲洪藏臨安郎攸客秦溪李光清來遊申孫滁

孫侍正書刻靈源洞

按洪藏時任汀州司法參軍鄭滁孫景定間進士
後仕元官集賢閣學士徐憲曾任古田縣見郝志

趙希袞等烏石山題名

淳祐七年

淳祐丁未良月望後九日止泓趙希袞偕客楊煥鄭
杲之陳士挺趙宗伯來遊子與諫與詳侍住山紹澐
分書刻道山亭

鄭玠等鼓山題名

淳祐八年

戊申之春二月旣望莆田鄭玠與郡人潘昱伯林圓
黃循父林文子余應發唐大章劉應得飲別于此正

書刻靈源洞

按林圖既見淳祐初元九日刻此戊申當是淳祐八年鄭玠時任福州教授

方克昌等鼓山題名

淳祐八年

時淳祐戊申上巳之明日莆陽方克昌世蕃來遊姪覺翁子義行義明侍正書刻靈源洞橋前

按方克昌嘉熙二年進士官泉州永春縣丞

鄭采等鼓山題名

淳祐八年

郡人鄭采同周圭王璞鄭自牧張潛方應澤劉自黃士府同游靈源洞弟侄甥上官晟子游侍淳祐戊申

四月既望正書刻洞前

按家字伯亮福安人紹定二年進士官端明殿學士王璞字器之長樂人紹定五年進士官知潮州

鄭仁鼓山詩刻

淳祐八年

携檄來遊石鼓山島洲凝望有無間天根潮落海門出洞口雲深月戶關名揭君謨搃筆健詩留子直翠珉斑古靈更有碑三字劣削須登莫倦還

淳祐戊申重陽前一日新安鄭仁題住山宗信刻正書刻靈源洞橋前

按鄭仁歙縣人端平二年進士

鄭得之等鼓山題名 淳祐九年

清溪鄭得之偕林華卿黃毅伯陸士貴李常伯弟相
伯張天麟朱擬上官子敷淳祐己酉菊節前三日題
正書刻鼓山

徐錫之鼓山詩刻 淳祐九年

淳祐己酉年徐錫之題喝水巖正書刻靈源洞

趙蔗境鼓山詩刻 淳祐九年

古磚出唐井豫識國師名於此坐禪處喝回流水聲
如何神晏塔移作李綱瑩見說山中石不平空自鳴
淳祐己酉閏二月清明閩安鎮官四明趙蔗境與滂

題於白雲亭石正書刻靈源洞橋前

按與滂字肖范太祖第四子秦王德芳九世孫

連江縣通濟橋記

淳祐九年

鄭應大撰在連江

樓治等鼓山題名

淳祐九年

淳祐九年歲在己酉七月庚辰日秋房樓治與客張
棧何光大弟濡偕遊盡日湧泉亭上月明同咏而歸
正書刻石門左

按樓治時任茶鹽提舉

趙與遺等鼓山題名

淳祐九年

趙與遠德遠與駒致遠與駿稱德與倌君茂黃邁節甫林仍祖貫道王有鳳德說七人同登是山時淳祐己酉重陽前六日德稱篆識之

按與遠與駒與駿與倌俱秦王德芳十世孫與駿時知連江縣事黃邁知永春縣事篆書在石門右

趙汝珣鼓山詩刻 淳祐九年

淳祐己酉九月下泝郡丞古汴趙汝珣遊鼓山靈源洞詩正書刻靈源洞橋前

按汝珣太宗第八世孫

鄭仲路等鼓山題名 淳祐十年

郡人鄭仲路吳起巖吳秀發葉亮祖吳季發鄭窳老
來訪喝水巖同遊靈源洞時淳祐庚戌季春望正書
刻靈源菴

按仲路字文載閩縣人嘉定元年進士官知州連
州起巖閩縣人一云長樂人淳熙十六年鄉薦秀
發字宗魯寶祐元年進士季發字崇勤淳熙十六
年鄉薦官天章閣待制皆起巖弟窳老字邦壽長
溪人咸淳四年進士

釋疑絕鼓山詩刻

淳祐十一年

淳祐辛亥立春後日釋疑絕詩正書刻大頂峯

史季溫鼓山詩刻 淳祐十一年

上到瑤峯第幾間御風騎氣渺人寰天高陡覺星辰
近地迥偏饒日月閒去海茫茫疑十里望州隱隱見
三山武厓榜墨千年在任使重厓蘇字斑淳祐辛亥
立春後一日移漕建水挈家遊鼓山登小頂峯俯瞰
山川城郭如畫晚飲天風海濤蓋武夷翁舊題也留
詩石間以記歲月眉山史季溫子威父書正書刻龍
頭泉左

按季溫時任福建轉運判官

韓準鼓山書偈 淳祐

宋淳祐木龍春仲望後一日待鶴山韓準登劣崩偈
正書刻靈源菴後

按木龍疑甲辰歲

鄭應開等鼓山詩刻

寶祐元年

兩峯峻上半天開一水爭奔急雪來眺遠直疑滄海
近洞靈曲拗湧泉迴慨思南北江山異更陟嵯峨宇
宙恢眇眇愁余歌石鼓漫磨枯墨灑蒼苔枯山鄭應
開偕同舍郎靳盈之遊二子桂梅侍寶祐第一春二
月五日正書刻石門

按靳盈之字仲謙閩縣人紹定五年進士官朝議

大夫

蔡公亮武夷山題名 寶祐二年

宋五甲寅夏閏乙未后山翁咏蔡公亮瑤田詹復同
遊九曲邂逅園田詹然於大隱屏下相拉觀一字天
之勝然之弟照載酒來會引觴命酬誦紫陽夫子神
斧之章慨然有感援筆賦詩而歸公亮書然鐫石在
武夷樓閣巖

按咏字永叔號思齋建陽人受業於蔡節齋公亮
字子明號仁齋抗子寶祐元年進士復字仁仲崇
安人景定間登第知金華令然字三峯崇安人以

甲寅夏閏攷之五甲寅蓋寶祐二年也

饒虎臣等武夷山題名

寶祐二年

寶祐二年閏六月二十三日宛陵饒虎臣歸自閩漕携友來遊是日也溪風吹雨山雲漏晴朝往暮回揔有奇趣從余者豫章虞希伯廣信鄭會建安蔡公亮李演道士江冲一僧至惠子鉢自淮右沿檄來侍崇安縣志在武夷大藏峯

按虎臣字宗召甯國人嘉定七年進士淳祐末知建甯府兼轉運使其官漕臣舊志皆失攷武夷志云宋史淳祐十二年夏六月間大水傷人甚多閩

漕饒虎臣發口五十萬米五千石以賑之帝允徐

靖叟奏悉與除豁此事省郡志俱失載

連江縣鑿泮池記

寶祐三年

邑人常挺撰

連江縣志作寶慶三年挺字方叔連江人嘉熙二年

進士嘗知泉州

西山

寶祐三年

閩書在建陽縣與雲谷對峙周圍百里蔡元定少結
廬山麓忽飢讀書時文公寓雲谷每欲質疑輒揭燈
爲望及至淹留數日通夕晤語理宗寶祐乙卯勅建

西山書院塑二賢對榻講道像御書西山二大字刻于西南崖山麓

黃宜任等武夷山題名

寶祐四年

三山黃宜任林澤孺建安楊以發來遊兩士顏永年徐祖安預寶祐辰正二十日

按辰爲丙辰寶祐四年也在崇安大藏峯

趙興檳鼓山題詩

寶祐四年

大宗與檳觀蔡李朱趙書詩寶祐四年四月十三日正書刻靈源橋前

按與檳宗室太祖十世孫

黃洪同等鼓山題名 寶祐四年

芳洲黃洪同遊天風海濤之勝任冲老偕家人 缺至

烏石留詩 缺 寶祐丙辰九日正書刻靈源洞門口詩

蝕不可辨

胡垓及等鼓山題名 寶祐五年

寶祐五年秋八月壬寅胡垓及張元孫張經陳無咎

楊叔濟趙汝與時涌黃大任高慶之張介然邱聞之

王維新會於靈源洞正書刻石門右

按張經蘇州人端平二年進士知侯官縣又提舉

常平茶司陳無咎郡人淳祐十年進士楊叔濟字

濟叔閩縣人寶祐四年進士趙汝與太宗次子許
王元僖七世孫寶慶二年進士趙時涌字君招魏
王廷美八世孫嘉定十年正奏邱聞之郡人淳祐
十年進士王維新郡人寶祐元年進士

竹房井

寶祐四年

在仙遊坑頭村石篆宋寶祐丙辰造

葉從龍鼓山題名

開慶元年

開慶改元仲春望日道菴葉從龍來遊正書刻靈源
洞橋前

湯漢等鼓山題名

開慶元年

鄱陽湯漢以使事過鼓山觀天風海濤之壯遂登大
頂峯盡得奇觀同遊者眉山宋輝上饒鄭日新長樂
陳堅潘少卿開慶己未四月十三日住山普門立正
書刻靈源洞磴

按湯漢字伯紀安仁人曾知福州

風洞 景定元年

景定元年春建安省齋翁徐自強書在武夷靈巖

趙清獻梅碑 景定二年

名勝志清獻公手植梅數本在崇安縣後堂景定二
年邑令邱應申刻石頌云召有棠萊有柏獻之梅刻

以石

按應申福清人景定三年進士

道山亭題名 景定四年

景定癸亥秋望天台陳傳口陳口口郡人林元口剛
中陳口口口正王居安住山師燧同遊正書在侯官
烏石山

王鎔等鼓山題名 景定四年

景定癸亥仲夏王鎔景範陳仁玉惠公同遊靈源洞
正書刻靈源橋

按王鎔時知福州

景定磚文

閩書長泰縣石岡山掘地得古磚方二尺許中有墨書宋景定元年埋識其文云石岡平西山明文星現賢才生

常挺等鼓山題名 咸淳元年

咸淳改元後中秋四日東軒常挺解溫陵印來遊此山男清子侍自城來會者陳斗應林文重徐武叔至叔賓叔國生林椿張以富林壯孫時趙希口王榮偕焉正書刻靈源洞橋前

按陳應斗字上建侯官人寶慶二年進士官朝奉

大夫林椿福州人寶祐四年進士王榮建安人淳祐元年進士官清流主簿常挺咸淳間知泉州時初解印也

杜廡等鼓山題名

咸淳元年

淳乙丑中秋前五日杜廡黃公立高拱辰來遊正書刻靈源洞

按黃公立字子卓邵武人寶祐四年進士

家山碑記

咸淳二年

閩書在同安豪山宋王明叟撰文記曰祭法山林川谷邱陵能出雲爲風雨見怪物皆曰神又曰能禦大

災則祀之能捍大患則祀之縣東南三十餘里曰豪嶺又南一里曰豪山山巔有龍潭天將雨龍擊水聲如鐘磬時有蜺五色出潭傍山麓故有祠雨禱輒應崇甯三年謂天下名山大川有功於民者聽所在州縣立廟攝令趙公文仲奉詔書度材鳩工廟成扁豪山焉初朱文公主邑簿嘗詣祠禱雨雨立至淳熙十一年春夏旱令鄭侯公顯禱於潭是夕雷電交作俄雨大霑紹定癸巳四月不雨西山真公遣吏謁祠爲文告龍神越二日雨明年端平甲午六月不雨守竹湖李公修真公故事未幾大雨遣吏謁謝所謂能出

雲爲風雨者歟豪嶺芒溪間林薄陰翳虎豹所穴民
有王姓者父子號訴於神募善射者一射中之先是
秋疫熾盛病者十室六七夏蝗蔽天食苗幾楮獨近
廟十里人無札瘥蝗不害稼曰桐嶺與漳接颺颺出
沒不常紹興盜起統制陳敏出兵剿賊神發蜂導之
紹興庚寅陳三搶掠永春撤德化縣撤長泰距境才
二十里居民賴神以安所謂能禦灾捍患者歟廟建
於崇甯癸未淳熙戊申新之脩於嘉定甲申咸淳丙
寅重修之董役鄭遂應等請書其事遂書

真洞記

咸淳二年

在仙遊麥斜巖陳公池左記云真聖筆結眾緣伊郭
地捨十方架佛宇功未就予助金圓勝事成二殿暨
諸處屋宇全齋糧缺捐已田穀五石號上朱永布施
作偶焉勸來者周真官僧道欽董斯役請鏤石傳不
朽予嘉此泉石勝可肥遯因銘之石所磊磊麥斜灣
灣武當道窟彌陀禪關名公才子笑咏遊觀梵遊真
侶住止盤桓清吾心境定我性湍竹溪遺逸不羨金
鸞太歲咸淳丙寅陳京瑜少高筆

劉震孫等鼓山題名

咸淳二年

劉震孫行部過此與客徐汝孔鍾文珍林起子郭玕

來遊佳山法珙咸淳二年二月八日正書刻靈源洞

按劉震孫時任福建轉運使

林希逸等鼓山題名 咸淳二年

林希逸徐汝乙林拱辰趙必呂咸淳二年十月三日
同遊正書刻靈源洞石磴

按希逸字肅翁號虜齋福清人紹定中進士任簽
書判官林拱辰莆田人端平二年進士官朝奉郎
趙必呂太宗第四子簡王元份九世孫

陳淳祖等烏石山題名 咸淳三年

咸淳三年春正月十有二日使者永嘉陳淳祖唯道

全浙東之仕於福唐口序拜道山永嘉陳懋欽堯俞
金華唐燦潛父四明趙若惠君錫永嘉黃禹錫元功
三衢徐汝一伯東留夢發彥和金華呂守之悅善永
嘉林鑑夫聲遠方慙良材天台徐柏悅之永嘉丁一
鳳景陽朱士可起予陳子崇廣張公輔良弼林潭叔
源括蒼劉夢龍夔口會稽董回孫景淵永嘉蔡申顯
伯口口口連帥九江吳公以饋至正書

張鎮初等鼓山詩刻

咸淳三年

咸淳丁卯八月十一日張鎮初遊鼓山同遊王剛仲
子演泳侍籠翎罔裏著禪關頂有奇峯磴可攀上下

乾坤大千界東西陸海兩三山臨滄霧向風前解渴
水泉因雨後潺一宿迷歸山莫晒小窓經日對孱顏
草書刻靈源菴對巖

晏午鳳建武夷書院題記

咸淳四年

咸淳戊辰三司奉朝旨鼎建武夷書院開山職教者
逆蕩晏氏之孫午鳳在崇安題詩巖

按武夷書院舊志但言朱子所建此晏午鳳奉朝
旨鼎建是始創也可補志缺

福清縣祥符陂記

咸淳四年

林希逸撰見郝志

陂之名何始乎其在夏書已有所謂九澤旣陂者求之水經則自楚人期思而後天下不知其幾無非賢守令爲之汝南鵠隙大陂也翟子威廢之濯龍之夢黃鵠之謠皆怨者託其言以來復卒至鄧晨而後作用力凡數年其難可知已王融石塘昔縣宰郎公簡所作碑亡矣誌有之水之源始於閩長邑南下五十餘里至邑之西湖迤行及藍尾則由小橋而東注矣瀕江爲隄直抵古放生湖其滙始大又行七八里則湖之尾焉溉田五十餘畝爲邑上腴以其作於祥符也故以祥符名之中當湮圯嘉泰甲子張侯大任實

興之景定癸亥囑於洪流始大壞故邑東諸洋皆無
所仰雨至莫苗旱則立槁民甚病之役大費夥莫措
戊辰賢令尹來諭於衆而知之曰邑雖貧是烏可已
作意復之寓公大姓亦樂爲之相有草曰蒼湖昔所
無是歲忽生售鏹六萬令捐以助役基非沈以巨艦
不可適有禦人沒舟者令卽給之富者役者輸財竭
力惟恐後令孟秋始事良月訖工糜金錢六十萬工
六千中役雨幾敗後中秋三日洪水前重陽八日海
漲諸堤岸多湮沒而此獨存人以爲令尹一念所格
聞者加額焉是陂也一邑人始疑其難旣成而喜來

請記余亦喜爲之書曰祥符古陂於邑之東旣廢而
久湖與江通昔壤之腴今廢而涸賢哉令尹爲民更
作堤成未半潮怒溪遙屹如有相神監其心繫令之
心惟民是福天亦應之嘉禾瑞粟我歌屢矣況此役
乎令尹之德與長江俱波流泱泱禾黍旆旆昔誰之
如賈渠召埭令尹薛氏名某字某永嘉人是歲實爲
咸淳四年十有一月

按郝志咸淳間福清令無薛姓記亦沒其名當攷
張大任嘉泰中知福清見志

陳穆等鼓山題名 咸淳五年

咸淳己巳季秋于麓陳穆領親朋七人登劣崩趨靈
源越歲庚午仲秋社後三日侍親爲壽表林侶會吳
章孫魏崇節重來遊子唐驥文麗周熊姪禹龜百鰲
世宣中甯中甥連人劉裴侍不期而復會者林明善
正書刻石門左

廖邦傑等鼓山題名

咸淳九年

咸淳癸酉季春望日延平廖邦傑以度節行鄉部艤
舟鼓山詣祝聖所申虎拜之恭因登大頂峯三山趙
時泐莆田鄭希點莆田葉渙合沙曾琮從住山正凝
東山慧昌北山明鑑正書刻龍頭泉右

按邦傑字懷英順昌人時以帥參攝軍事趙時汭
魏王廷美八世孫鄭希點咸淳元年進士官太學
博士葉渙嘉定十三年進士

文丞相龍門石刻

景炎

郝志在同安縣五通嶺自下輦鋪過五都龍窟有三
巨石傳爲宋幼主避兵至此登舟今謂之御踏石傍
有二石高五丈如門石上有跡若牛頭上向者數十
文天祥大書龍門二字刻石

按文山以德祐二年奉旨詣北軍議和爲伯顏所
拘脅之北行至京口遁入真州歷泰通台溫五月

益王登位福安以觀文殿學士侍讀召至福拜右
丞相七月同都督出江西遂行收兵入汀州是刻
當在景炎初又按閩書余嘗至其處嶺路岵嶇非
通道也幼主又自龍窟登舟入海亦不叶取途惟
嘉禾與有五通嶺幼主所過迺此嶺也又文丞相
未嘗奉幼主南行龍門二字大似米元章筆亦非
丞相筆樣想當時取象名石而所云丞相或陸丞
相歟

閩中金石志卷十終

閩中金石志卷十一

嘉興馮登府輯

吳興劉承幹校

宋無年月可攷以地分系

謝泌祠記

陳烈撰在福州

案泌字宗源歙人以景德元年四月刑部郎中自
兩浙運使移知福州民爲立祠陸如筠書碑舊存
甲仗庫見三山志陳烈字季慈侯官人仁宗屢詔
不起宋史入隱逸傳會爲福州教授

戒山頭齋會碑

蔡襄撰并書在福州

使州體問自來風俗被喪之家言有靡用破賣產業
置辦酒食齋筵名爲孝行至有亡歿之人本家不敢
哭臨先將田屋出帳典賣得人就頭商量打了定錢
方敢舉殮外殉人情中抑哀毀是不孝之人也出殯
之夕鄰里識與不識盡來卽問恣食酒肉包攜歸家
至使喪家費用無極其於人情鄰里當有贈遺以資
喪家慰弔之際豈可恣食酒肉以爲宴樂是無禮之
人也山頭齋筵僧俗之中本非知識齋食不足每人
散錢二百文如有少缺便卽忿怒送葬之禮雖出於

古豈有本無哀情只趁齋食喪家竭力不給此與乞丐何異是無恥之人也若不斷絕民間轉見不易禮義之日遠右仰喪葬之家喪夜宴客不得置酒譙樂山頭不得廣置齋筵聚會并分散錢物以充齋價如有輒敢罪在家長并城外僧院不得與人辦置山頭齋及坊虞候耆長常切覺察

教民十六事碑

蔡襄撰并書在福州虎節門下

一應有無口徒輩誑是知州親知於州縣打索關節乞取財物許人告二市賈買物虧減價例及不晝時

遷錢仰行人陳告三行人於諸官廳幹當厨庫公人及市買等處每月若有行用錢物罪在行人四巡攔告稅不得擅入人家搜檢稅物須申州取候指揮五市行見行銅錢如有夾襍砂蠟新錢許人告六銀行輒造吹銀出賣許人告捉七人戶居停賭錢本罪科斷外必定折屋納官八僧人不得止宿俗家婦女不得聽講及非時入僧院九諸官除依條本廳并轉轄處科決外不得擅行決罰十巡檢使臣非承使州指揮不得帶甲領兵搜圍人家檢索違禁服色若窩藏強劫并殺人賊明有踪跡許收提十一諸縣擅行科

取修造及諸色鄉人歛掠人戶錢物入已許人陳理
十二在州坊虞候所由并外縣公人所受情弊放散
公事不送州縣許人告十三推司當直司并外縣公
人因勘公事廉有所受許人因事報覆十四諸坊只
許管本地內爭鬪火燭姦盜賭錢殺牛公事十五在
城裏外喪葬之家喪夜不得置酒肉宴樂以虧孝道
山頭不得廣置齋筵違者罪在家長十六士庶家不
肖子弟盜賣家產并轉肩出利買客人貨貴買賤賣
如本人無錢勒牙保人賣業填還

羅漢院記

祭酒鄭穆撰在福州

按穆字閔中侯官人舉進士元祐元年爲國子祭酒五年除寶文閣待制後爲祭酒見范祖禹所撰墓志

剛顯廟記

郡人鄭昂撰在福州

按昂侯官人政和五年進士

修提刑公字東西兩廳記

武提刑葉南仲撰在福州

按南仲侯官人宣和三年釋褐淳熙二年任福州

武臣提刑見三山志

修廟學記

林希撰在福州

按希字子中嘉祐二年制科官至金紫光祿大夫

諡文節

幽幽境

竹窗雜錄烏石山蔡端明題幽幽境三字於石嘉靖辛酉秋建州楊應詔遊記云落落理沒荒榛中雖欲探之而無所攷今歷五十餘載愈不可問矣



修龍興院記

楊拙撰在福州

按拙閩縣人元祐六年進士官至建甯節度推官

吉祥院記

撰人缺在福州

月峯院碑

撰人缺在福州

蘇舜卿題記

在長樂石人峯傍石上

鶴林鳳邱

在福州郡東門外鳳邱山朱熹書鳳邱二字又鶴林

二字亦熹所書

第一山石刻

在福州麟次臺之下米芾書傳爲美女簪花之體今析入民居晉江妙覺寺亦同

盤仙

陳孔碩篆書刻鳳邱山

困山碑

三山志困山碑廣福院舊記云在釣螺江側詩僧有朋管居之又有碑云王氏延僧宏韜於安國寺始終以禮葬之今困山其地也

平山福地

在福州濂浦宋少帝航海至此有平山堂丞相陳宜
中書平山福地四大字又有薰風隴南華峯蓬萊閣
錦繡谷逍遙臺俱篆隸大字

按宜中字與權永嘉人擁二王由海道趨閩廣復
遁占城以終見宋史

御茶亭碑

宋邱荷撰

按荷建安人天聖八年進士見郝志

御泉園詩刻

宋危輒孫撰文

古今碑刻記在建甯

按輒孫邵武人咸淳二年上舍選科見郝志

無字碑

三山志雪峯崇聖禪寺有無字碑古頌云一片如屏
紫翠間風吹日炙薜花斑莫言個裏無文字要在高
人著眼看

湯泉詩刻

三山志僧可遵常作偈直待衆生塵垢盡我方清冷
混常流東坡賞之有曾鞏程師孟蔣之奇諸公留題

三山

三山志蔡公襄嘗至親筆勒於石有運判蔣之奇詩
白雲石笕石刻

白雲石笕自率金剏於隆興至咸淳再葺捐財守中
正書刻鼓山湧泉後

古南臺

在鼓山釣龍臺趙汝愚隸書

鄭尙明等烏石山題名

鄭尙明同羽人佳妙□□向老□茶于三覺巖

光風霽月

格古要論光風霽月四大字朱子書于江西白鹿洞

福州模刻

畊雲釣月

格古要論畊雲釣月四大字朱子書在福州

天光雲影

格古要論天光雲影朱子書于雲谷

趙勝非沖天臺題名

開封趙勝非奉使閩漕癸巳季春二十九日登鄰霄
遊沖天回憇于道山會稽石安素同來

林艾軒神道碑

少傅觀文殿大學士致仕益國公周必大撰并書

子貢問鄉人皆好之何如孔子答以不如鄉人之善者好之孟子告齊宣王以諸大夫曰賢爲未可必國人皆曰賢然後察而用是二者古今觀人之要術於吾艾軒猶信初予與著作佐郎劉夙賓之爲同年進士後識故相陳正獻公皆莆人也賓之博洽剛介正獻道德隆重其不輕許可則均每論其鄉之人物賓之曰艾軒吾師也正獻曰艾軒吾友也後予官太學會諸生則亦人人推林艾軒蓋其博學篤志手不釋卷出入起居必中規矩事親御下仁行已恭執事敬勇于義審于思善并美且宜爲當世所宗然未嘗著

書唯口授學者使之心通理解常曰道之全體存乎
太虛六經既發明之後世注解既已支離若復增加
道愈遠矣文辭古雅不事雕鏤如清廟朱絃可一唱
而三歎也五十方奏名則有命焉于時朋游若門弟
子宦達已多交賀於朝區區一第何足爲公重欲其
因仕行道耳夫未仕而鄉人之善者以爲師友通國
之人皆謂之賢既仕則又爲之喜由是天子察而用
焉茲豈聲音笑貌所能致哉誠之不可掩也如此艾
軒公自號也隆興元年調袁州司戶參軍未上調對
改左承奉郎知永福縣大臣論薦不已調試館職乾

道五年七月入爲秘書省正字兼國子史編修實錄
檢討官六年佐著作兼司勳司知郎中七年遷著作
郎兼郎禮部八年進國子司業勳兼太子侍讀史職
如故九年請外以直顯閣提點廣西刑獄淳熙改元
易使東路二年茶寇自荆湖剽江西薄嶺南其鋒銳
甚公自將郡兵檄摧鋒統制路海本路鈴轄黃進各
以其軍分控要害會有詔徙公轉運副使公謂賊勢
方張留屯不去督二將遮擊俘獲相繼賊驚懼宵遁
上聞之喜曰林光朝儒生乃知兵邪加直寶文閣明
年調拜國子祭酒兼太子左諭德四年二月乙亥駕

幸國子監命講中脩上大稱善而賜金紫己丑除中書舍人爲誥有古風坐繳奏新御史除目改權工部侍郎請外以朝請郎充集英殿修撰知婺州引疾提舉江州太平興國宮五年五月六日卒此其出處大畧也公諱光朝字謙之世爲興化軍莆田人曾祖南一祖繁父勉累贈奉議郎母恭人曾氏享年六十有五是歲十月二十日葬本縣麥堆原之北娶徐氏封恭人六子今存者宜季能季宜季迪功郎福州府福清縣主簿一女適太學內舍生南若礪猶子成季力學而賢爲公作家傳正獻公又作祠堂記凡公行誼

閭閻已詳而其子復以先志來求銘隧道之碑予念
昔在兩省公適登第典貳秘書公來著庭佐春官公
爲郎掌史事公爲僚晚忝宮端同事壽康皇帝前後
五聯官曹大而性命道德之理無不講內而閨門寢
食之私無不及讀書未達賴公析疑屬文未工咨公
指瑕平居相愛殆同天倫公之本末皆親見熟察非
但傳聞而已是宜爲銘其辭曰尙賢好修志誰不勤
汲古纂言業誰不精孰如林公好學而醅所持者約
所勉者誠身猶布衣人曰公卿年未強仕人曰老成
時雨之教其化也深水上之風渙然有文瞻彼莆中

冠蓋如雲祭公于社過者必欽

六藝之一錄曰後村集周必大書艾軒神道碑平原
晚作益自磨礪散文終是洗滌詞科氣習未盡惟艾
軒志極簡嚴有古意今祠堂本乃復登陳公所書而
平原眞蹟藏外孫方之泰巖仲家巖仲他日有佳石
當并平園小楷刻之祠中

按碑宜季福清縣主簿郝志失攷

忘歸石

蔡襄正書在鼓山

泉臺

在閩縣于山元絳書

按三山志程師孟以塔中王氏時所壙金粟像名石上三字元少卿篆書按元絳字厚之嘉祐七年嘗知福州贈少師

葺善溪冲濟廣應靈顯孚佑王廟記

閩邑令江文秉撰在福州

按文康建炎間知閩縣見郝志

善悞廟記

閩邑令師與撰郡人馬戴書在福州

按郝志胡興淳祐間知閩縣府志作師興當誤

昭利王廟記

知西外宗正嗣濮王仲湜撰在福州

按仲湜字巨源楚榮王宗輔子安懿王孫熙甯十年知西外宗正事見宋史濮王列傳

朱熹壽字

在鼓山喝水巖洞壑中石壁上字大丈餘

天風海濤

在鼓山劣巔峯上朱熹取趙汝愚江月不隨流水去
天風直送海濤來句刻於大頂峯坪

釣龍臺石刻

朱米芾書全閩第一江山六字

福州府志按名勝志作米芾書玩其字體圓整與米書迥別字旁列名作陸某書依稀可辨足正其訛

蘇才翁題名

在鼓山喝水巖篆書才翁二字徑二尺餘

平遠峯

三山志在平遠臺東小橋旁有巨石刻此三字

箋經臺題名

河南陳紘公度開封李茂直景弼壬戌仲秋壬申遊

安國院箋經臺

國師巖

正書在鼓山喝水巖澗底右壁相傳郡人陳襄書

按鄭仁詩古靈更有碑三字指此也

青天白日

正書刻鼓山大頂峯天風海濤旁

蔗境

正書刻鼓山龍頭泉左

蔗境趙與滂題詩

湧泉亭柱有蔗境詩石有蔗境字皆不題名氏四明趙與滂肖范見此有感題曰詩題蔗境不題名墨蹟

懸巖碧蘚平遊宦來看心忽悟前身應是趙先生

正書刻鼓山龍頭泉

曹繼本等鼓山題名

開封曹繼本侍兄公弼同三山李澤卿陳塘洪魯卿

柯梁釋守如丙辰季冬十七日遊眺命子慈書正書

刻石門

周濱等鼓山題名

周濱曹中缺老潛洞丙戌九月二十日同至大頂峯

正書刻大頂峯盤石

柳元禮等鼓山題名

柳元禮邀孫居易柯季忱李志遠張應和播廓如同
遊辛丑上元前七日正書刻喝水巖

按柳約字元禮華亭人大觀三年進士官殿中侍
御史柯棐字季忱閩縣人崇甯五年殿試第二人
官朝請大夫李邁字志遠侯官人崇甯五年進士
官朝議大夫播廓字廓如長樂人崇甯五年進士
官朝散大夫

師季題名

師季仲煨藏之紹光蒙伯庚寅仲春七日遊烏石山
福州府志正書徑一尺刻烏石山

趙希代鼓山詩刻

古牀趙希代題喝水巖詩正書刻靈源洞

按希代太祖第四子秦王德芳八世孫

陳珏重來

正書刻鼓山靈源庵石壁

按珏字君寶長樂人嘉泰十年特奏名

飛來

三山志在懷安縣飛來山石刻飛來二字提刑劉嶠

書

苔泉

郝志蔡襄守福州日試茶必於北郊龍腰取水烹茗
無沙石氣手書苔泉二字立泉側又義井二字在社
稷壇東里許相傳亦襄所書

懷安縣建勅書樓記

吳延平撰在福州

懷安縣大門設漏鼓記

陳塏撰在福州

按塏字子夷襄曾孫端平二年進士官至端明殿
學士諡情毅見郝志

懷安縣太平寺碑

撰人缺在福州

懷安縣移廟學記

周希孟撰在福州

長樂臺

三山志侯官千福院有長樂臺程師孟以臺名刻石

見通判馬益詩

去華才翁

鐫芝山石屏在長樂朱子書

按三山志觀音寺慶厯中監司蘇邵二公刻此四字

溪居第一

在長樂屏山下三溪朱子書

朝陽

在長樂五峯山朱子書

龍翔巖石刻

閩都記在長樂龍翔巖宋寺簿周芹遊此又有豹變
巖與龍翔並峙至今二石刻猶存

魁龍

在長樂龍泉山朱子書

德成

在長樂籌峯石室朱子書

讀書處

閱書在長樂籌峯山山中巖爲宋劉砥劉礪讀書之所晦翁手題讀書處鐫於石有祠祀晦翁以一劉配之

按砥字履之礪字用之乾道間俱中童子科並學於朱子之門蔡元定黃幹嘗往來其齋顏其室曰龍峯巖

龍首

張鎮書鐫於長樂冠嶺峯

雲梯

鄭性之書鐫長樂五峯山

按性之字自誠閩清人乾道間進士官建州司戶
改知同安縣見郝志

聚星

張翀書鐫長樂福州裏山

按翀長樂人嘉定四年進士官左司郎中

元臺

在長樂縣爐峯山宋狀元陳文龍勒碑題曰元臺

按文龍字君賁莆田人咸淳四年廷對第一

龍泉

閩書在長樂仙山萬壽道院之西有七星井其一井
宋鄭尙書丙書龍泉二字刻石

按丙長樂人紹興五年進士紹興間任泉州節度
推官見閩書

魁山顯應廟碑

閩書在長樂魁山真文忠撰文其詞曰魁山兮崇崇
大淵淪亡極兮魚之宮皇皇后帝兮睠南土俾神宅
茲兮衆爾主噓吸雨暘兮指嘒風雨盪滌乖沴兮攘
除妖蠱有蛟焚焚兮血人以自飽是震是悼兮奮厥

天討有兇額額兮猶蠶之羣恍瞻靈旗兮悸若獸奔
民恃神兮我父母神不言兮信寒暑明明我后兮子
萬方曰民爾恩兮我豈亡既賁之以鳴名兮又申之
以顯號中真百年兮三焜煌其紫誥民事神兮何窮
報神上兮焉從異材出兮棟王國氓安居兮稼茲植
公袞兮王主將便藩兮神錫

鰲嶺

圖書在長樂縣宋林岳書鰲嶺二字

靈石俱胝院記

三山志在福清縣清元里大中元年置唐武后時僧

元修始菴於此誦七俱胝咒治疾祟茶毗於此許難
記曰自香城北緣嶺十里西渡小橋入長道又西入
蟠桃塢十步有石屏因爲榭榭之西有漱玉亭次有
溪源素波二臺數十步有松偃蓋西有散花臺次有
放鶴待月二樓高視亭白蓮社乃至塔院中有胡僧
像僧自西域來有神術至今烏雀不棲

按許難崇甯五年特奏名

聞讀 香山洞 蟠桃塢

在福清縣朱子書

釣溪釣臺

閩都記連江筠溪釣臺李彌遜所築號筠溪釣臺刻石志之

張寶民王晉卿己丑孟夏遊石門

在連江石門

閩間之吳次壬子仲冬庚戌同遊

在連江石門

才翁所賞梅石

福州府志作樹石

在羅源縣白塔道旁石壁有此六字字徑尺餘正書

古田縣記

邑令李堪撰

磨劍石識

閩書在古田東溪識云劍石平出公卿宋令留元亮
刻曰劍石已平公卿出焉

按元亮字平之泉州人淳祐間知縣事有仁政見
郝志

梅溪

在閩清海坪先農壇下朱子書

觀雲岫

在閩清珠峯朱子書

八閩獄祖

在閩清白巖朱子書

龍門石刻

宋林羽講學於此朱考亭鐫龍門二字於石黃幹爲之記在永福

龍溪協濟廟斷碑

閩書在永福十八溪有龍溪協濟廟宋黃定記曰定髫髻時與羣兒戲廟下視東壁塵土間有斷碑載二神事長神張氏名大郎次神秀氏名大敦唐末來自固始卜居焉輕貲急義時振人乏歿人廟祀之乞靈報貺赴者如歸予稍長夢抵神宮二神爲余起立顧

日子後必爲聞人族亦衍太今未也比壯遊場屋歷落久屯意神戲我年二十八始補太學生捷書未至旬月前有異禽綵質紫章來集予舍旦旦悲鳴夜則棲止梁間辛卯預薦如之壬辰奏春官亦如之已而對彤庭叨首唱是禽之至又率如前暇日訊諸耆老或言曩有廟像時有禽來如雀馴集神位合境異之羅而寘諸像中品色與今所見同定東歸拜廟下訪斷碑已碎裂深惟靈迹懼後湮沒姑言梗槩以貽來者

按定永福人乾道八年進士第一見郝志

陳暘高蓋山詩刻

名勝志宋侍郎陳暘遊高蓋山詩云巖頂風雲常不散
洞門日日吐煙霞濟時偏鮮爲霖雨信是神仙第一家
此詩刻於洞門石壁

按暘字晉之紹聖制科授順昌軍節度推官累官
禮部侍郎著樂書宋史有傳

蔡襄書陳伯孫詩

在興化襄山上有石坦平長八尺蔡襄書陳詩刻其上
云六合萬籟息秋林月正歸琴中彈不盡石上坐
忘歸

按伯孫大中祥符間曾任長樂縣尉見郝志

有美堂記

牡丹記

並蔡襄書刻於興化蔡氏君謨後也

董史皇宋書錄張文靖公云君謨碑板照四裔而尺牘尤適媚可愛有法帖五卷合牡丹記荔枝譜茶錄有美堂記情暑堂記刻於興化蔡氏最爲精好蔡氏君謨後也廬陵刻法帖一卷豫章刻法帖一卷其中多有與廬陵同者

觀風堂刻雜書一卷學宮刻畫錦堂記相州元刻云

書丹而此本聞諸老先生云以墨蹟撫於石廬山陳氏甲秀堂刻飛草一卷萬安石橋記大字刻石最佳字徑一尺氣壓中興摩崖湖州學記四碑大字與放生相上下

中峰院記

輿地碑目在莆田會開天台菴記云南山廣化寺有菴百餘區簷楹相摩軒檻層出如中峰瑞泉天宮號爲絕景憑高遠眺于蒼茫杳靄之外

義井

莆田縣志在永福寺左按莆有五泉一曰仁泉在壺

山蟬井左數武石壁上刻仁泉二字岳正書二義泉
卽此三禮泉卽醴泉里四智泉縣令何南金構亭處
五信泉在澗口溪海會泉處半甜半鹹故謂之信後
人指路傍之井曰聖井謂能愈疾誤矣

留公井

莆田縣志舊有石刻云知縣留居道重新

按留居道建隆二年以泉州招討使知縣事并今

在郡治東

東坡書金紫公墓碣

在莆田縣靈隱山唐末有金紫長官自固始避巢寇

來莆卒葬此山東坡爲書墓碣

與造物遊

在莆田聖壽寺朱子書

鄭樵采藥詩

在莆田縣東石厓上

演巖

在奉谷里宋少帝舟泊大峽江許爲元兵所迫有白
馬神忽演一巖以蔽帝舟遂免石刻演巖聖蹟四字
尙存

東坡山石刻

在莆田縣治南傍溪礪石如積宋淳熙間朱文公來
遊勒石

蒼野

訪碑錄朱子分書在莆田

何嶺

續志在仙遊宋陳謙書知縣陳嘉勒石

按謙字正仲隆興初進士豐之子官至敷文閣待
制奉祠工書法大字尤精郝志職官仙遊知縣陳
嘉失攷嘉定間曾任龍溪縣

天子萬年

在仙遊九鯉湖石字縱橫八尺有奇陳讌書

倦泉井

在何嶺之側宋主簿林正夫篆倦泉井三字郝志仙遊主簿正夫失載

溪海會流

閩書在仙遊楓亭溪太平港有溪海會流石刻蔡君謨筆也

涵化閣帖

在泉州庠相傳宋季南狩遺於泉州石刻久湮池中時出光怪樞馬驚怖發之得是帖故泉人名其帖爲

馬蹄真跡又宋少師莊夏家摹刻一卷今俱不傳

按鄭杰曰宋沈源釋文序云是帖納郡庠歲遠剝蝕其後莊少師復摹以傳則今帖非馬蹄真跡乃莊氏摹刻也其石先屬張氏後以其半質錢於族秘匿不返今所傳者既非宋遺而莊摹者亦皆割裂遞更遞失矣惟沙塘蔡少參家所藏七塊完好不剝蔡甚寶之欲得莊刻之全必求數家而合之然不易也莊少師名夏登淳熙八年進士有文名又按法帖譜系三山林伯鳳重刻長沙別本於家指爲古潭帖

陳鑑集名碑藪化帖有一刻行世又云有七十

二刻

蓮花臺銘

在泉州蓮花峯閩書宋僧眞覺隱處黃庭堅銘曰自
古在昔雷雨雹擊天開八石青蓮趺鄂中有巖壁敷
坐宴息大士密蹟置鉢倚錫蛇虺避宅虎豹伏役行
人護戒如龜藏六以戒爲甲如蓮生泥不染香色維
居無敦庭堅銘

金粟之洞

在晉江縣紫帽山有宋甯宗御書金粟之洞四字閩

書無之字

泉南佛國

在晉江石佛巖傍王十朋書字高六尺許

泉州府志一刻南安九日山無等巖鐫泉南佛國唐僧無等建菴其側

按此龜齡知泉州時所書當在乾道間

天風海濤

在晉江安平鎮石佛寺朱子書

二朱先生祠碑

輿目碑目傅伯成記石井鎮紹興初朱松爲鎮士向

墓之後二十年文公官同安間至鎮與父老訪時事
嘉定中鎮官游絳於鎮西爲書院繪二先生像祀之
立碑祠傍

豐山詩刻

在晉江縣豐山閩書五代齊有人構此山今石上刻
有無名氏詩曰齊朝誰任古巖阿絕頂雲霄手可磨
一掬白泉何處得源來定自出天河

虎乳

在晉江清源山寰宇記呂道人書此二字

清源福地

在晉江清源山閩書奇石倚天室居石址或曰裴道人嘗居此以吸日月精華峽石刻字曰清源福地清源山虎巖石刻

閩書虎巖在五臺峯右宋元豐間僧法超嘗閱大藏經於此石刻有大休歇場四字亦名大休巖宋歐陽深卽巖構室以祀歐陽詹今直名此爲歐陽室矣

碧霄巖石刻

在清源山南閩書石鐫刻字曰透碧霄左側宋三山林爽刻大壽字高三丈以祝親又有石刻曰少留冷飲

按夷泉州人淳熙十一年特奏名寶祐間任晉江
梅巖石刻

在清源山閩書唐人陳嘏讀書於此谷口刻梅關二
字梅巖山界四字五代時留從効別墅在焉

高士峰

輿地碑目泉州安國寺中有西峰卽唐徵君居處有
石篆題曰高士峰

按西峰秦系故居有石硯石盂等並存其居曰秦
君亭山之巔爲高士峰相傳才翁書

西華九峰

在南安九峰山頂西華巖宋守謝堍勒此四字于石
又有真一泉三字

按謝堍寶祐間知泉州事見郝志

九日山石刻

在南安縣西府志至自晉以來縉紳方外多登憩焉
唐秦系隱居於此姜公輔韓偓後先寄跡熙定間守
陳偁監郡日子瓘來構山房紹興丙子朱文公尉同
安袂滿興傳伯成載酒過此後淳熙乙巳復與陳知
柔賦詩懷古上有朱子書九日山三字

按陳偁熙甯間知泉州見郝志

泉州墨妙堂

陳知柔墨妙堂記泉州九日山有墨妙堂自晉以來
士大夫避世氛多遊息賦詠於此至唐益盛筆墨與
茲山並傳今訪求無幾也獨歐陽詹書屋在焉蔡君
謨之刻巍然並存君謨人物風流不居王顏下其行
書亦今日第一此所以獨存

太白峯

在惠安蓮花峯上蔡襄正書

伏虎石

蔡襄書蔡襄讀書於此在惠安

泉州府志作伏虎巖在惠安縣崑崙宋僧道養隱此
能伏虎元泰定中連應元刻其事於石其下蔡忠惠
襄母盧氏家焉蔡嘗讀書於此

錦溪

錦溪草堂在惠安邑鎮安鋪宋張巽子文讀書處也
鐫錦溪二字於碑今草堂無攷石碑歸然

按巽惠安人學者稱錦溪先生

春臺

字大盈丈正書適健宋盧瞻聖讀書登科山書刻石

上

按泉州府志作盧瞻惠安人

登龍峯

在惠安縣螺江宋崔拱及二子正則麗則讀書於此
相繼登第石刻登龍峯三字

按拱惠安人端拱二年進士官太常寺丞正則登
天祐三年科官陽山令麗則舉天聖二年第官秘
書丞並見郝志

閩中金石志卷十一終